

Kitchi Gimaa naang Kinadaa bgid'naan 2026

Mnookmi Zhoony'ke'win Wiind'maa'ge'win :

Kinadaa Mshkoo'zii nji Kina Wiya

Kinadaa shki naawk'ni'ge'win nii'gaan'wiv'doon ezhi nen'daawg'zid wii mshkoo'zii'tood Kinadaa kina wiya nji.

Nme'bin Giizis Niizh'waag shi nshwaas'waag 2026 Ottawa, Ontario
Department of Finance Canada

Nang'wa gaa bi mi'seg, Kinadaa be'maad'zid'jig gii mib'de'too'naa'waa e'we'wiip'bi'deg, miinwaa zhinda ooshmi baawg'shkaag mzoo'we aki.

Mii'dash tkwe'taam'gag, Kinadaa shki gimaa'naang gin'waab'daa'naa'waa a'we ge'naag'doo'wend'ming- zhi'too'ying meshk'waag, nchi'ke e'naa'niib'wim'gag, miinwaa e'zoong'gang Zhoon'yaa'ke'win. Gda gwe'taan'biz'mi miinwaa gda nwaa'ji'mi wii noonch naa'biig'ni'ge'ying waa'zhi aash'doon'ge'ying miinwaa wii mshkoo'zii'too'ying en'daa'ying. Gda miig'we'naa wenji'shing waa zhi min'zhaand'mang zhoon'yaa miinwaa gdoos aas'gaab'wit'wa'naa Kinadaa be'maad'zid'jig e'maan'en'mig'waat endsa'giizh'gag waa zhi min'diz'waat bangii wii naad'maag'waat nang'wa miinwaa wii ani nishing ooshmi waa'bang.

Zhi'we Zhoon'yaa Naawk'ni'ge'win'ing 2025, gii zhi'bii'gaa'de waa'zhi mshkoo'toong Kinadaa. Mii dash zhi'we pii, mii ek'wa zhii'taa'aang wii *zhi'too'waang* kitchi tes'gaa'nan, wiig'waam'an, miinwaa waan'nji na'kiing wii maa'jii'ging Kinadaa zhoony'ke'win miinwaa waa ni zhi kitchi kshkew'zing; *wii miingwa'wew'zi'waad* Kinadaa be'maad'zid'jig waa'zhi na'kii'yaat ; miinwaa wii *waan'kiim'gag* end'na'kii'ying, ekwa'nak'mi'gaag gda kiim'naa miinwaa gbi maad'ziw'win'naa.

Ngii miig'we'naa mesh'koo'seg zhaab'wiich'ge'win gonda Kinadaa be'maad'zid'jig be'kish aas'gaab'wi'too'waang ni'we naawk'ni'ge'wi'nan getchi pii'ten'daawk'kin miinwaa aabiji gna'waab'da'ming ezhi maawn'jich'geng. Meg'waa wiig'wa gdaa'aah'naa mesh'koo'gaab'wim'gag zhoonyaa tem'gag, nji maanda 2026 Mnookmi Zhoony'ke'win Wiind'maa'ge'win zhi'noo'maa'gem'gag e'noon'de'seg oosh'mi noon'daash miinwaa dash we'weni wii naa'bii'seg.

Maanda 2026 Mnookmi Zhoony'ke'win Wiind'maa'ge'win aaw'wan waa ni zhi tko'kiing wii zhi'toong *Kinadaa wii Mshkoo'ziimgag kina wiya nji*. Miig'wen e'naawg'wag e'zhi mshkoo'ziim'gag Kinadaa zhoon'yaa'ke'win, miig'wet Kinadaa bemaad'zin'jin waan'kii'win ezhi naawk'ni'ge'yaat. Miig'wen e'waa'wiind'maa'gem'gag zha'wend'win wii de kshki'too'ying wii min'diz'ying, ass'gaab'wi'too'wing en'kii'taa'ge'jig miinwaa wii aab'zi'kaang zhi'geng miinwaa wii des'gaan'kaa'deg. Mshkoo'zii'toon Kinadaa ezhi wiiwk'jich'get miinwaa ezhi zhoon'yaa'ket be'kish ezhi maawn'jich'get wii mshkoo'gaab'wii'tang e'waan'kiim'gag ooden'winh'san mzoo'we kina maanpii a'kiing.



Kinadaa shkii gimaa'kaan doo aanch'toon ezhi zhoon'yaa'ket gaa'wii wii bwaa pen'manj'get piinish waa zhi min'diz'at. Maanda 2026 Mnookmi Zhoony'ke'win Wiind'maa'ge'win zhaab'wiw'doon kina Kinadaa be'maad'zid'jig wii wii'doo'kaaz'waat zhi'toong Kinadaa wii mshkoo'gaab'wit miinwaa wii maa'too'kiit ezhi kshkew'zit :

- **Maanda Kinadaa Mshkoo'zii'win Zha'wend'win**—Kinadaa ntam e'bezh'gaab'wiim'gag kitchi twaaw'zii'win zha'wend'win Maanda da maa'jiish'kaam'gad zhi'we we'weni naawk'ni'gewining Kinadaa na'kii'winan miinwaa na'kii'gami'gon. Dash wiig'wa Kinadaa bemaad'zid'jig da mswen'daa'naa'waa maanda wii wiiwk'jich'gaa'deg wii mina'ge'yaat bekish aang'zhe'yaat, zhoon'yaa kshkitch'geng, miinwaa kitchi waan'kii'wing, Kitchi Gimaa'naang wek'wen'dam Kinadaa bemaad'zid'jig wii yaam'waat niibina maanda ga'yen'waa wii nan'kii'yaat. Mii dash nzaam beb'kaa'nag enji kitchi pii'ten'daag'wag zhinda Kinadaa Mshkoo'zii'win Zha'wend'win wii aa'wang maanda shki kshkitch'ge'win maawn'ji'too'win tinow. Mii maanda Kinadaa bemaad'zid'jig wii deb'nam'waat zhoonyaa bes'kaab'bi'deg e'piichi maa'jii'ging Kinadaa wii'ni mshkoo'ziim'gag.
- **Ngod'we'yaan Kinadaa E'zoong'gaab'kaaz'jig** – shki zhich'ge'win ekoondeg aki maam'wiz'win wii da'waab'mind'waa, wii kinoo'mownd'waa miinwaa wii aang'zhend'waa nshwaas'waag shi mndaas'waag piinish ngod'waag shi mndaas'waag minig shki na'kii'jig pii 2030-31. Maanda shki zhich'ge'win temgad ji'de kshki'too'waad Kinadaa be'maad'zid'jig miinwaa wii msaab'dam'waat en'kii'taa'ge'jig wii zhi'ge'yaad miinwaa kitchi na'kii'wi'nan ooshmi me'chaa'gin.
- **Zhi'toong Meshk'waag, e'waan'kii'wang Ooden'wi'san** – zhi'toong ooden'wi'san wii waan'kiim'gag, wii tkob'deg, miinwaa wii zoong'gaab'kaa'deg. Ndish'too'naa'nin ooshmi wiig'waam'an, nda moo'kii'taa'naah gii'baach'chi'ge'win miinwaa wezh'ge'win, miinwaa zhoon'yaa toong zhiwe wii tes'gaan'sing, bekish e'gaa'sing wii taas'waad jii'ge nibiing en'daa'jig miinwaa na'kii'wi'nan. Bekish gwa ndoo maa'jiish'kaa'too'naa wii zhi'too'waang e'mina'zhe'yaam'gag, e'waan'kiim'gag miinwaa mesh'koo'ziim'gag Anishinaabe ooden'winhsan.

Zhinda wiind'maa'gew'ning nda miig'we'naa e'zhiib'waa'se'yaag waab'ji'ge'winm ezhi'kshkitch'ge'ying zhinda e'waan'kii'yen'daawg'sin'wag akiing. Kitchi pii'ten'daa'gwad wii bin'ming e'waa'kii'yen'daaw'sin'wag, na'kii'win'an mina maa'jiish'kaag wii miind'waa en'god'we'aa'giz'jig wii nend'moo'waad wii naawk'ni'ge'yaad waa ani zhich'ge'yaad.

Gda shki Gimaa'kaan'naa zhi'toon kinadaa gaawiin gweta e'mish'koo'ziimgag, pa'ne dash gwa, e'nishing, miinwaa e'mina maa'jiish'kaam'gag, miinwaa wen'jish'shing. Kinadaa gaa'wiin gweta gmaam'nik, endsa pa'ne shkgwa, kina ge'gwa. Ndish'too'naa Kinadaa wii mshkoo'ziim'gag, kina gwa wiya.

Ek'doo'waat

"Maanda Mnookmi Zhoony'ke'win Wiind'maa'ge'win 2026 zhi'toon wii minab'dem'gag nji ezhi dbaam'da'ming zhoonyaa waa zhi na'kaa'zang, dgon'ming weweni dbaam'ji'ge'win miinwaa ezhi maawn'jich'geng miinwaa yaa'ming we'weni waa zhi gna'waab'da'ming waa zhi yaa'geng aab'ji'taang wii zhi'toong Kinadaa wii mshkoo'ziim'gag kina wiya nji miig'wem'gag kitchi'twaaw'zi'win nang'gwa miinwaa mshkoo'zii'tood zhoon'yaa'ke'win waabang. Nang'gwa gwa mi'yaaw pii zhinda Kinadaa ezh'we'bag, ndizh'too'naa wii zhaab'bi'zang zhinda enji a'wang waan'kii'yen'daawg'si'nwag miinwaa mzoo'we akiing wii mshkoo'ziim'gag, aab'ji'taa'win, miinwaa wii zhich'ge'win- zhi'toong bezhig mesh'koo'ziim'gag Kinadaa zhoon'yaa'ke'win, kinadaa enj'baa'jig, nji Kinadaa endaa'jig »

- *Maaba kitchi twaa François-Philippe Champagne, Minister of Finance miinwaa National Revenue*

Waa gnooj'gaaz'jig

E'wiind'maa'ge'jik daa zhi giig'doo'wag:

John Fragos

Gnood'maa'ge'win Zhib'bii'get

Aach'kingan maaba Kitchi Gimaa Zhoon'yaa Gen'wen'dang miinwaa Zhoonyaa Enji

Gna'wenj'gaa'deg

john.fragos@fin.gc.ca

E'wiind'maa'ge'jik Aach'kin'gan

Aach'kin'gan Zhoon'yaa enji Gna'wenj'gaa'deg Kinadaa

mediare@fin.gc.ca

613-369-4000

Kina gegoo nda'kenj'gaadek

Giigidoo'waab'koonhs: 1-833-712-2292

TTY: 613-369-3230

Zhii'baa'eb'ni'gan: financepublic-financepublique@fin.gc.ca

Shkwiin gwa wii ginooon'go'yin

- Naag'doo'shi'naang [Deng'we Mazaniganing](#)
- Naag'doo'shi'naang X – [@FinanceCanada](#)
- Naag'doo'shi'naang [LinkedIn](#)
- Toon a'we [RSS feeds](#) gegii gda mnji'menj'ga'ning